



UNIVERSITÄTS-
BIBLIOTHEK
PADERBORN

Universitätsbibliothek Paderborn

Opvs De Iudiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos &
Festos, ab ipso Auctore confectus

Stengel, Georg

Ingolstadii, 1651

4. Leonardi Lessij, in morbo, Crucifixi meditatio, & votum ad B. Virgine[m].

urn:nbn:de:hbz:466:1-45701

per Medicas artes, per Mathematicas, per historias, & scientiarum alias excurrendo Encyclopadiam conficere.

III.

Philipp. Ale-
gambe in In-
dice Marty-
rum num.
CCLVIII ex
vita ipsius
Hispanicè &
Gallicè edi-
ta.

Alij, velut Aartæus dejectus in terram, postquam dejecti sunt in inualetudinem, fortiores surrexerunt, atque grandia opera aggressi sunt. Ita P. Marcellus Franciscus Mastrillus, Italu nobili loco natus, cum diu votis ardentissimis Indicam missionem expectasset, admirabili prodigio eius est factus compos. Nam à S. Francisco Xauario aspectabili repente sanatus à lethali vulnere, ad Indiam atq; ad Martyrium inuitatus est, quod sanè subijt modo luculento. Idem Philipp. Alegambe Bibliotheca Script. S. I. fol. 160. hæc habet: Georg. Tyskemicus, natione Polon. Gente Podlach: ex peruetusta Moduidorum familiâ, quæ Sereniss. Jagelloniam per Russicæ Duces attingit, patre Palatino Brestensi, matre Wolowitzia, ordinis senatorij natus, primam ætatem Vilnæ in scholis nostris, tum peregrinabundus, ut nobilitatis Poloniae mos est, Græcij, Patauij, ac demum Romæ, cum grauem incidisset in morbum, vouit, eam se familiam sacram, si conualuisset ingressurum, cuius hominè primum domo prodiens offendisset: Et commodum progressus incurrit in admodum R. P. N. Mutium Vicellescum, qui tum in Romano Collegio versabatur. Voti reus ad S. Andreae tirocinium tetendit anno salutis 1593. cum ageret ipse ætatis annum 22. Per morbum quoque admirabili illi Furseo zelus animarum adjectus est. Nam ægrotanti Angelus apparens omnia ordine tradidit, quæ ad officium diuini verbi longè lateque prædicandi pertinebant; monuitque, ut nulli labori parceret; nullo discrimine terreri se sineret, duodecim illi adhuc annos vitæ superesse, post quos laboris præmia in cælo iam antè visa, eum manerent. Dici non potest, quanto ardore, tot ignibus inflammatus Furseus, per Angliam, Galliam, & Belgium diuinæ Fidei atque amoris incendia, postea disseminarit. Per morbum igitur isti vel è seculo ad Religionem, vel in Religione ad maiorem perfectionem vocati sunt.

Sur. 30. Ia-
nuarij.

IV.

Idem loc.
supr cit.

Quin, & in ipso morbo quàm grandia fieri possent, idem paulo prius memoratus Lessius egregiè exemplo docuit, qui gra-
uissimis morborum, colicæ, calculi, herniæ duplicis, languentis ructan-
tissiq; stomachi tormētis, voluntarias etiam flagellationes adiecerat &

crebra

crebra ieiunia; nisi malis totam ipsius vitam meram in ediam appellare. Totos triginta annos, una estatione, per diem, eaq; pertenui vixit; extra eam nihil unquam potus accepit. In cubiculi sui pariete hanc epigraphem fixerat: AMOR MEVS CRVCIFIXVS EST. Et erat erga Christi Passionem, teneritudine animi insigni: Vnde illi par studiū patiendis & in aduersis tolerantia tam robusta, ut ipse fateretur, se is, que patiebatur, malis parem haud futurum, nisi peculiari fuisset auxilio diuinitus adjuncta, morte grauiora esse, & leuius, illis fore incendium, quo vixit conflagraret. Incredibilis illi dolor erat in vesica leuanda, & cogebatur, extremis temporibus plus centies diei noctuq; spatio ad eum cruciatum. Tormenti grauitatem, & animi simul aequitatem ex diuina voluntate perquam compositi votum eius in scheda repertum adumbrat. Sic habet: Beatissima Virgo, si dolores istos abstuleris, voueo, omnibus profestis tuis ieiunium in pane & aqua; Rosarium in profesto, & ipso die; Horas B. Virginis omnibus Sabbatis, nisi Superior, vel iusta causa obstiterit; & Festis Purificationis, Annuntiationis, Praesentationis, Assumptionis, Natiuitatis, Conceptionis. Non cupio auferri, nisi sit ad maiorem DEI gloriam, & meam salutē. Tenebor, simul atq; aliquo modo constiterit. Si error, vel obliuio interuenerit, licebit proximo Sabbato instaurare. Ingens DEI beneficium eas penas existimabat; quibus ferendis aliorum quoq; poscebat preces ad auxilium à DEO exorandum. Accusabat suam inertiam, quod sine gemitu eas ferre non posset; & subinde Ministrum rogabat, ut suam impatientiam (sic aiebat) castigaret, cum interim generosus eius animus omnibus esset admirationi. Unum illi solamen in malis erat, Christus crucifixus. Hæc summatim dicta ad patientiam & pietatem nos possunt erudire, in morbis exercendam.

Efficacissimum solatij genus est, & ad spiritus, inter morborum cruciatu, sumendos saluberrimum remedium, Lessij exemplo, sibi ante oculos ponere Crucifixum, & saepe cogitare, ac dicere: AMOR MEVS CRVCIFIXVS EST. Quis enim summū bonum non amet? id in cruce pependit. Quiuis igitur dicere potest: Amor meus crucifixus est. Quis se seruum vocare audeat illius Domini, qui cum esset summē potens, summē sapiens, infinitē beatus, vno verbo, Deus, tamen serui sui causa, exinaniuit semetipsum, & mortalis non tantum homo fieri, sed etiam